

č. 8-9/2013 | ročník X.

Cena 0,40 €

ІНФОРМАЦІЙНИЙ ДВОТІЖДЕННИК РУСИНІВ СЛОВЕНЬСЬКА
INFORMAČNÝ DVOJTÝŽDENNÍK RUSÍNŮV SLOVENSKA



12. SKR FOTO-
OBJEKTÍVOM

3

Меджінародне свято Русинів



SFÉRY INTER-
KULTÚRNE

5

РОС пропонує

| fakty | kultúra | história |
aktuálne informácie o Rusinoch
a nielen pre Rusínov

.....
| факты | культура | история |
актуальны інформациі о Русинах
а не лем про Русинів



LETNÁ
RUSINIÁDA

6

Фестивал над фестивалами

XII. Світовий конгрес Русинів на Україні успішно закінчений

Шырокоспектрална презентація русинства на цілосвітій уровни, інтересны пленарны засідання, много поучных, а подакотрых і критичных рефератів од представителів з різних кутів світа, конкретны выслідки із засідань, емотівна контінуйіта окремых русиньских організацій...

Текст і фото С. Лисинова-Фечова

А ку тому вельо визначных Русинів, цінных гостей, розмаїть культурно-сполоченьских акцій, ку котрым належали, напр. выставки фотографій од Івана Чижмаря, ці выставки карикатур нашого майстра кресленого гумору Федора Віца, презентація русиньского поетичного слова, музыки і танця - тото вшытко ходем в короткости характерізовало XII. Світовий конгрес Русинів (СКР), котрый ся одбыв в днях од 12. до 14. юла 2013 р., в Ужгороді і Сваляві на підкарпатській області України. Програм конгресу був, мімо іншого, присвячений і 210-ій річниці од народжіння русиньского будителя А. Духновича. Головным організатором



▲ Погляд на выступіня посланця Верховной рады України Івана Бушка.

СКР было Крайове общество Підкарпатських Русинів на чєлі з членом СРР за Україну **Николаєм Бобиньцом** з Підкарпатя, а так само **Народна рада Підкарпатських Русинів** на чєлі з **Николаєм Старостом** (окрем іншого і головным

► с. 2

ФЕДОР ВІЦО – ІЛЬКО СОВА З БАЮСОВА



ГЛОСА



проф. Др. П. Р. Маґочій,
професор історії на
Торонтській універзіті
в Канаді, довгорічний
русиньський активіста

Довольте мі, жебы єм глосу одкрыл выголошіньом, же научно і духовно ся поважую за прихылника **И. Г. Гердера**, німецького філософа другой половины 18. ст., знамого главн поглядом на різны етнічно-лінгвістичны группы або народы, котры жыють по світі. Гердер був пересвідченый о тім, же каждый народ, без огляду на то, який є великий і який мать політичний статус, мать властну внутрішню цінность. Зато вшыткы народы суть в одношіню ку собі рівноцінны, без того, ці мають або не мають властный штат, котрого назву несе іх мено. А мі як Гердеровому прихылникови класіфікація титулярных народностей і народностей меншын не была нігда по волі. Бо, подля мене, ествують лем народы і каждый з них є рівный тому другому, без огляду нато, як тот народ означіли новодобы штаты і ідеологове. Подля мене і незалежне Словенсько зачало як модел гердеровского ідеалу, як вступило до ЕУ. Бо Словенсько вів президент карпато-німецького походжіня, премьер словеньского і карпато-русиньского а віцепремер мадярьского походжіня. А вшыткы были Европанами жыючіма на контіненті різних народів, но заедно были і жытелями Словенської републіки. Так само як інші жытели мали дакілько ідентичностей. Европане - походжіньом Словаці, Мадяры ці Русины і словеньскы жытели. Вшыткы тоты ідентичности были злучітельны, а што є найважніше, тоты етнічно-культурны ці народностны ідентичности собі подля гердеровского принципю были рівноцінны.

Діректор ПУЛС оцінений Премійов СРР Василя Турока-Гетеша

С. Лисинова-Фечова

В рамках 51. Фестивалу культуры і шпорту в Меджілабірцях, котрый ся одбыв в днях 29-30. юна 2013, был Почетнов грамотов Світовой рады Русинів, Василя Турока-Гетеша



▲ Почетна грамота Світовой рады Русинів Василя Турока-Гетеша, котров был оцінений і доц. **Владимір Марушін, АртД.,** шеф колективу ПУЛС.

за рік 2012 оцінений і доц. **Владимір Марушін, АртД.,** діректор професіонального колективу ПУЛС із Пряшова, який є і успішным драматургом його новых програмів: **Навернутя страченого сына, Очарованы поглядом, Колыска і криж 1, Колыска і криж 2 і Душа повна людей.** Оцініня здобыв за досягнуты выслідки при розвитку і презентації русиньской культуры у вшыткых ей аспектах. В. Марушін собі оцініня на сцені новозре-

► с. 3



► с. 1: XII. СВИТОВЫЙ КОНГРЕС

редактором інтернетового порталу Новини Закарпаття), Фонд Газда а неофіціально конгрес підпорила і Влада України.

Хоць многы уж допереду предповідали, же конгрес не допаде добрі, або же будуть якысь демонстрації, можеме конштатовати, же нич так не было і XII. Світовий конгрес Русинів на Україні мав конштруктивний перебіг і був успішно закінчений. Конгрес, окрем іншого, рішав дві важны задачи. Першов была зміна Штатуту СКР, другов – підпора домашніх Русинів в бою за узнання русиньской народностной меншыны на цілодержавній уровни. Узнесіня, як і выголшіня делегатів СКР опублікуєме в далшій выданю Інфо Русина.



▲ Погляд на богату участь конгресу. Першый ряд справа: Ю. Харитун, А. Фецура і Ш. Дрозд.

Першый день засідання - в суботу в Ужгороді зачав святочным одкрытьом, на котрім взяли участь і представителі державы. Приговор мав Іван Качур, котрый заступав Александра Ледиду, губернатора Закарпатської області України. Тот передав честны грамоты Дюрови Папугови, председови Світовой рады Русинів (СРР) і Миколови Бобинцови, членови СРР за Україну і членови СРР за Польско – Андрійови Копчови. Як другый выступив посланець Верховной рады України Іван Бушко, якого устами зазвучали і такы емотівны слова: „В наших жылах тече кров дідів і прадідів, якы были Русинами, Европейцями і із святостьов уважали свою русиньску материньску бісиду, віру і культуру. Так было і буде надале“. (Інтересне інтервю з Іваном Бушком готуєме до далшого чісла Інфо Русина.

Далшым важным мемом першого дня засідання было уділіня ціны в области культуры – Премію СРР Василя Турока-Гетеша, першого председы СКР. За 2013 рік премію здобыли Др. М.

Лявинець, (Мадярьско), довгрічна членка СРР, організаторка многых русиньскых культурных акцій в Мадярьску, авторка многых научных публикацій, того часу і шефредакторка мадярьского державного радія в русиньскім языку і Основна і середня школа „Петро Кузмяк“ в Руськім Керестурі (Сербія), котра того року славить уж 260-ый юбілей шыріня науки русиньского языка.

Другый день засідання СКР був у Сваляві. В дискузіі ся, окрем іншого, бісидовало о пріяту організації «Объединение Русинов» із Руськой федерації, котра знова не была пріята за члена СКР, што мож поважовати за негати́вный почін. Причінов неприя́та было, же організації собі не дала офіціально приглашку за члена СКР, бо минулого року змінила ссвою назву а приглаш-

ка в СКР была іщі під ей попередньов назвов. Далшы интересны выступления делегатів з другого дня конгресу рыхтуєме так само до далшого выдання Інфо Русина.



▲ Новозволена Світова рада Русинів: Зліва: М. Караш (Словеньско), А. Копча (Польско), Н. Бобинець (Україна), В. Противняк (Словеньско), Ю. Фірцак (Румуньско), Д. Папуга (Сербія), Ш. Лявинець (Мадярьско), М. Шайтош (Хорватьско), С. Гиряк (Северна Америка), А. Мошкала (Чеська република).

Дюра Папуга потвердив лидерство в СРР

Найважнішим пунктом програму другого дня была вольба новой Світовой рады Русинів (СРР). Зміна членства в СРР настала у двох державах: за Румунію пришов до СРР Юліюс Фірцак, котрый вычеряв Георгія Фірцака і котрый був zvolenny і за другого підпредседов СРР, і в Хорватії, де Наталію Гнатко вычеряв Мію Шайтош. Председом СРР ся став знова Дюра Папуга зо Сербії, котрый над своїм протикандідатом Штефаном Лявинцьом із Мадярьска (в інтернім голосованю меджі членами СРР) выграв о еден голос. Далшыма членами СРР ся стали: Штефан Лявинець (Мадярьско), котрый є і першым підпредседом СРР, Владимир Противняк (Словеньско), котрый ся став тайомником СРР, Андрій Копча (Польско), Алаксандер

Мошкала (Чеська република), Славомір Гиряк, котрый як Словак в СРР заступать Русинів Северной Америки, Никола Бобинець (Україна) і Мартін Караш (Словеньско), котрый заступать Світовий форум русиньской молодежи (СФРМ) і котрый мать у СРР порадный голос. Ведно із СКР одбыв ся і СФРМ, де уж третій раз до функції председы был zvolenny якраз Мартін Караш.

Наконець треба додати, же хоць не вшытко на конгресі было ідеалным і дакотры выступы делегатів (главні тых, котры в русиньскім руху зробили найменше) были аж барз необективны і критичны і так мож конштатовати, же конгрес ся ніс в пріятельскім одношіню, конштруктивных рішінь, а што є найголовніше, здобыв далше позітивне меджінародне продовжованя розвоя у феномені, яким є РУСИН!



▲ Часть словенской делегации. Зліва: Я. Фецуш, С. Зелінкова, М. Крайкович, В. Юрчова, В. Противняк, Е. Губова, Ш. Дрозд, П. Дупканіч, М. Караш і С. Лисінова.



► с. 1: ДІРЕКТОР ПУЛС...

конструованого амфітеатру в Меджілабірцях перевзяв із рук председателя СРР Дюра Папуґы і тайомника СРР Владимира Противняка. Ку ґратулантам ся придав і приматор Меджілаборець Інж. І. Солей. „Тым оцініньом ся автоматічно до будучности мушу завязати ліпше робити“ повів на марґо оцініня В. Марушін. Його жена А. Марушінова, котра мімо іншого в ПУЛС-і готує пропозиції на крої і реквізіты, на оцініня мужа повіла: „Є то перше вызначне оцініня русиньского характеру про веджіня ПУЛС і мы собі го велико цїниме“. Редакція Інфо Русина діректови ПУЛС сердечні благожелать із додатком - на Многая і благая літа йому і нашій русинській культурі, котра зьєднує людей свойов міцнов і чародійнов силов.



▲ В. Марушін (вліво) переберать оцініня з рук председателя СРР Д. Папуґы і приматора Меджілаборець Інж. І. Солея (перший справа).




▲ С. Зелінкова і Ф. Віцо перед білбордом, котрых на пропаґацію 12. СКР было по дорогах на Україні розміщено веце як 50.



▲ Часть делеґації молодых Русинів, котры были на СФРМ перший раз: Л. Прібішова з Якубян і М. Гребік з Камюнкы.



▲ Богатый культурный програм в поданю домашніх Русинів спрїемнив атмосферу конґресу.



▲ Премію СРР Василя Турока-Гетеша, першого председателя СКР за 2013 рік собі перевзяли Др. М. Лявинець, (вправо), заступкыня із Основной і середньої школы „Петро Кузмяк“ з Руського Керестура. В середині Д. Папуґа.



Patria

Slovenský rozhlas 5

РУСИНСЬКИЙ ПРОГРАМ (24.7.-7.8.2013)

24. 7. 2013 19.30 – 20.00	СЕРЕДА Радіоновини
26. 7. 2013 19.30 – 20.00	П'ЯТНИЦЯ Радіоновини
27. 7. 2013 15.00 – 16.00 20.00 – 21.00 21.00 – 22.00 22.00 – 22.30 22.30 – 23.00 23.00 – 23.45	СУБОТА Музичні поздравы Радіо молодых Радіомагазин Літ. релачія. Ш. Сухий: Астероїд Музыка народности Село грать, співать і думу думать. Шаршан, репріза
23.45 – 24.00	Музична релачія
28. 7. 2013 19.00 – 20.00	НЕДІЛЯ Розгласова гра. М. Бул'гаков: Псяче сердце
20.00 – 20.30 20.30 – 21.00 21.00 – 22.00 22.00 – 22.30 22.30 – 23.30 23.30 – 24.00	Гітпарада русинських співанок Подобы живота, репріза Радіомагазин - репріза Музыка народности - репріза Радіо молодых - репріза Гітпарада русинських співанок - репріза
29. 7. 2013 19.30 – 20.00	ПОНЕДІЛЬОК Радіоновини
31. 7. 2013 19.30 – 20.00	СЕРЕДА Радіоновини
2. 8. 2013 19.30 – 20.00	П'ЯТНИЦЯ Радіоновини
5. 8. 2013 19.30 – 20.00	ПОНЕДІЛЬОК Радіоновини
7. 8. 2013 19.30 – 20.00	СЕРЕДА Радіоновини

„СВІТ ПРИШОВ ДО КУРОВА“

В селі Куров Бардейовського округу був 30. юна 2013 зrealізований Меджінародний фольклорний фестиваль під назвою „Світ пришов до Курова“. На фестивалі, окремі колективи з нашого регіону виступили і фольклорні колективи з 7 заграничних штатів. Членове окремих колективів показали публіці богатство культури своїх народностных меншын.

Акцію конферовали Жанетта Лишывкова і Юрай Бохня, а то в русинськiм материнськiм языкi по словенськi. Ціла атмосфера в фестиваловiм селі Куров была барз добра. В найліпшiм порядку были нелем вшыткы дома і їх дворы, але при многых домах могли навщівницы скоштывати домашні їдла, котры наварили куровскы газдынькы. По славностній маніфестації селом, колективы зачали програм о 15.00 годині, котрый тримав

вече як 5 годин. Притомных людей на акції было вече як 3000. Лем шкода, же дотеперь Уряд влады СР фінанчнi не підпорив споминану акцію, котра ся в Курові того року одбывала уж третій раз і належить меджі найвекшы сельскы акції в бардейовськiм округі.

Фестиваль був барз успішний, зато велике подякованя належить сельському уряду за єй добре зорганізованя і цілу приправу такой визнамной культурно-сполоченської акції.



▲ Учасць на Меджінароднім фестивалі в Курові была т. р. богата.

Spomienky na barda rusínskej kultúry, alebo posledný dar Vladimíra Ľubimova

M. Kerekanič

Poslednýkrát sme sa stretli v marci na krste CD Ublanka. Spomínali sme na známych, na spoločné zážitky z PULS-u, rozprávali sme o folklóre, ale i o absencii rusínskej tzv. vážnej hudby, o chýbajúcich orchestrálnych skladbách pre ľudové hudby... Mal veľké plány. Túžil ešte skomponovať rusínske sláčikové kvarteta, z vydarených sekvencií scénickej divadelnej hudby poskladať detské suity, zo starých „Pulsáckych“ programov vytvorit' didaktický materiál pre výučbu spevu v našom regióne... O mesiac mi poslal v rukopise orchestrálnu skladbu „Там, де Бескіды, Карпаты“, „Čo za to?“ pýtam sa. „Nič“, vraví mi po telefóne. „Je to moje podakovanie pre teba i tvojich muzikantov“. Vtedy som netušil, že je to posledný dar, posledná umelecká výpoveď barda rusínskej kultúry – MA-ESTRA Vladimíra Ľubimova.

Jeho smrťou sa končí jedna veľmi dôležitá etapa rozvoja rusínskej kultúry v Prešovskom kraji úzko naviazaná na celú jeho rodinu. Pôvodom bol ruským šľachticom, rodina ktorého ušla pred sovietskou vládou do Československa, do Prahy. Jeho otec Alexander sa ale dozvedel, že na východe Slovenska žijú pravoslávni Rusini a tak šiel za hlasom svojho srdca až do Medzilaboriec. Tu v našom regióne tento vzdelaný a svetaskúsený muž pôsobil ako učiteľ i osveta. Učil svojich nových súkmeňovcov štepiť stromy, pestovať včely, hrať na hudobné nástroje – priniesol do regiónu ruské nástroje

– balalajku, domru, mandolínu. V Medzilaborciach založil súbor Verchovinu, ktorá sa stala základom pre vznik neskoršieho PULS-u v Prešove a tiež základnú umeleckú školu.

V šľapajach svojho otca pokračoval aj jeho syn Vladimír. Po skončení vysokoškolských štúdií v Prahe učil na ZUŠ v Medzilaborciach, neskôr bol prvým vedúcim Hudobnej katedry ÚPJŠ v Prešove. Spolu s Františkom Slavkovským založili vysokoškolský súbor Torsya. Jeho sľubný kariéry rast v školstve bohužiaľ pozastavila normalizácia. O to viac sa ale začal venovať kultúre, a to nielen rusínskej. Bol pravidelným členom odborných hudobných porôt rôznych postupových súťaží, lektorom hudobných a tvorivých dielní, odborným hudobným poradcom pre mnohé, najmä rusínske kolektivy, autorom scénických hudieb pre UND a neskôr pre DAD, tvorcom hudobných rozhlasových relácií, od roku 1982 umeleckým šéfom PULS, hudobným upravovateľom pre festivaly Makovická struna, „Zemplín špiva“, Spevy môjho rodu i mnohé súbory, s ktorými spolupracoval, bol spoluautorom mnohých premiér PULS... Snáď najväčším jeho umeleckým počínom je skomponovanie romantickej opery z rusínskej histórie Knieža Laborec, čím sa stal zakladateľom rusínskej národnej opery. Tento jeho umelecký čin však doteraz nie je v rusínskom prostredí náležite ocenený.

Pri smútočných choráloch počas pohrebu som si uvedomil, že jeho odchodom sa rusínsky svet zmenil. Ochudobnel o ďalšieho veľákna, rodom Rusa, srdcom Rusína. Spomínam na naše prvé stretnutie počas štúdií na Konzervatóriu v Košiciach, kde

sprevádzal svojho syna Volodu, nášho spolužiaka. Na jeho pochvalné gestá po úspešných koncertoch, láskavý úsmev a slová plné porozumenia po nezdaroch, na našu spoluprácu v PULS, či v odborných porotách. Stal sa mojim učiteľom, mojim druhým otcom. Pohľadom som prechádzal spolu smútiacich a s nevlou som skonštatoval, že mi medzi nimi chýbajú predsedovia množiny rusínskych organizácií, ako i riaditelia niektorých rusínskych profesionálnych inštitúcií. Vyjadrili svoj vzťah k rusínskej kultúre, k ľuďom ktorí túto kultúru robia, k ľuďom, vďaka ktorým táto kultúra ešte žije. Na druhej strane mu prišli vzdať poslednú poctu matičiari. Za všetku tú poctivú prácu na učiteľskom i umeleckom poli. Za pedagogickú obec sa rozlúčila Prof. Mgr. art. Irena Medvánská, PhD., za jeho žiakov Ivan Mihalič, za priateľov z umeleckého prostredia piesňou Anka Servická. Ako by mi z duše rozprávali.

Cestou z cintorína stretávam veľa známych. Z akademickej obce, z PULS, z folklórnych súborov, hudobníkov, spevákov... Na boku s kvetmi v ruke postáva Lenka Magurová. „Môžem ťa zvieť domov?“ pýtam sa. „Nie čakám sestru a priateľov, aby sme sa s Ľubimovom rozlúčili.“ Potešilo ma to. Vidno, semienka zasiaté Volodom vzklíčili v srdciach mladých ľudí, teda jeho odkaz možno bude mať pokračovanie.

Na stole mi leží rukopis orchestrálnej skladby „Там, де Бескіды, Карпаты“. Autor – Vladimír Ľubimov. Samotný názov veľa napovedá. Je načase rozpisat' party a začat' nacvičovat'. Ale premiéru skladby si necháme na výnimočnú udalosť. Noty potom poskytneme všetkým záujemcom, aby posledný dar veľkého umelca navždy rezonoval v srdciach mladých umelcov. Aby posledný dar zaujal svoje miesto v klenotnici rusínskej kultúry.



РОС пропонує за уповномоченого Михала Калиняка

Русинська народна меншина на Словенську при останньому зрахованні людей в 2011 р. ся своєю кількістю в Мадярах і Ромах залучила на третє місце (з попереднього четвертого). І так представлять міцну народну групу на Словенську. 4. юна 2013 на словенській політичній сцені настала неочікувана ситуація,

як до того часу урядуючий уповномочений Влади СР про народностны меншыны Ласло Надь передає премєрови СР Р. Фицови абдікацію і на основі того скінчив у своїй функції. Як є уж довший час знамо Фицо абдікацію прияв, але коли буде установлений новий уповномочений, дотеперь, веце як по місяці, не знаме.

С. Лисінова

На основі того Русинська оброда на Словенську, як найвекша і найстарша організація Русинів 20. юна 2013 написала офіційне письмо на Уряд Влади СР, де за уповномоченого Влади СР про народностны меншыны запропонувала ПгДр. Михала Калиняка ПгД. М. Калиняк є медіально знамый чоловік, лектор на універзиті, быв асистентом предсєды парламенту, містським посланцьом в Меджілабірцях, теперь у Пряшові, прєсекретарьом Містського уряду в Пряшові, предсєдом Містної організації РОС в Пряшові, є порадцьом і говорцьом міністра школьства СР Душана Чапловича

і директором Прєсового і інформачного одбору МШ. Є членом Смеру і єден з мала медіально знамых людей, котры ся нєлем голосять ку Русинам, але реално з нима робить, є акцептований в русинських структурах а што є головне, в русинській проблематиці ся добрі визнають. Праві в особі М. Калиняка Русини відяють перспективу здобыти функцію уповномоченого і мати у Владі конечні свого чоловіка.

ПРОПОЗИЦІЮ РОС ПІДПОРИЛИ І РОМОВЕ

Обчанське здружіння „Romano asaben“ (OZ RA) з центром у Пряшові так само підпорило пропозицію РОС, жебы уповномоченым Влади СР про народностны меншыны став М. Калиняк. Про



▲ ПгДр. Михал Калиняк, ПгД, котрого РОС пропонує за уповномоченого Влади СР про народностны меншыны.

ТАСР то потвердив предсєда споминаного ОЗ Ігор Дужда. Він інформовав, же предсєдництво ОЗ РА, котре засідало 26. 6. 2013, было єдногосно згодне з тым, же М. Калиняк є на тоту функцію найодповідальнішим кандідатом. Подля высловів членів ромского здружіння, М. Калиняк має перєгляд о народностных меншынах на Словенську і розумить їх проблематику, а так само має довірчны скусености в діяльстві мімовладного сектора. Тоту ОЗ РА поважує за выразны предположіння його успішної роботи на пості уповномоченого Влади СР.

ШТО НА ТОТО ГВАРИТЬ САМ М. КАЛИНЯК?

„Пропозицію РОС поважую за прояв выразной довіры, што ня

невычайно тішить. Но на одповідне рішіння той пропозиції потребує істый час, бо не хочу быти лєм „легкодушным“ урядником, але хочу про Русинів і іншы народностны меншыны і дашто потребне зробити...“ повів на маргі номінації М. Калиняк.

До заключіння наших новинок ся нам не подарило здобыти погляд або выслов на тоту ситуацію прямо з Уряду Влади СР, но віримо, же кебы ся так стало, же М. Калиняк ся стане новим уповномоченым, буде то велика проба. Проба нєлем того, ці Русини знають обстатки в такій функції, але і проба рєшпекту предсєдательств іншых народностных меншын в одношіню до русинських предсєдательств.

Ославы Дня Руська з русиньсков участьов

21. юна 2013 р. ся в просторах БЦМ центра в Кошыцях одбывали помпєзны ославы з нагоды штатного свята Дня Руська. Павел КУЗНЕЦОВ, вельвысланець Руськой федерації в Словенській рєпубліці на славнось запрошив і предсєдательств Русиньской оброды на Словенську, котру рєпрєзентовав єй предсєда Владимир ПРОТИВНЯК.

Текст і фото С. Лисінова

Акція ся несла в прятельскім дусі і была заміряна на розвиток і зміцньованя словенсько-руських контактів. А нєлем тых, бо як повів сам П. Кузнецов: „Мы собі высоко ціниме іншы народы і народности, котры хоснують азбуку і таким способом мають ближше ку отворіню векшой співпраці з Руськом. А Русини суть єдны з них і єм барз радый, же така народность, яков є русинська, заставать на Словенську таке важне місце. Вірю в співпрацю нєлем в культурній сфері, але головно в научній. В останніх роках ся на Словенську выразно підвищыв інтерес



▲ Сполочне прятельське фото П. Кузнецова (справа), вельвысланця Руськой федерації в СР ведно з В. Противняком, предсєдом РОС.

о штудію руського языка. Подля штатистичных дат, на основных і середніх школах было в школьскім році 2008/2009 36 тисяч школярів, котры ся учили руський язык, в 2009/2010 р. їх было о 44 тисяч веце і в шк. році 2009/2010 ся кількоть шкіл, на котрых ся учів руський язык звекшала з 790 на 850.“

Про інтерес додаваме, же П. Кузнецов є вельвысланцьом Руськой федерації на Словенську од мая 2010 року. Має дипломатичну годность міморядного і уповномоченого высланця 1. класы і є носительом оцініня „Rad сії“. Меджі гостителями був і гонорарный конзул Руськой федерації про Кошыцький і Пряшівський край Ладіслав Штефко, походжійном з Гуменного, котрый ся офіційно голосить ку русинській народности. Атмосферу ослав, окрем тіпичных руських ідел, сприсемньовала русинськыма співанками МСГ Пайташе зо Снины, на челі з Данслом Гулайом.